

- точию повеле того прежереченнаго боярина князя Василия Ивановича и единокровных его братьей, князя Дмитрея и князя Ивана Ивановичев Шуйских, по⁹⁷ далним и по⁹⁷ розным городом⁹⁸ розослати в заточения,
- л. 15 об. а дома их и имения повеле расхитити и растоштити.⁹⁸ || И пребыста в том заточении великий бояре,⁹⁹ яко мимошедшу полугоду; а вся сия пострадаша¹⁰⁰ любве ради Христовы за истинную православную христианскую веру. И потом видяхут того боярина мужественное дерзновение, и распалавшеся огнем духовным и желанием сердечным, и ревнуя поревноваша той же дерзости мнози^{111, 1} и от христолюбивых инок, хотящеи умрети за истинную христианскую веру и за благочестие. И по действию святого духа узревше сердечныма очима своима суща его быти еретика и законопреступника, и начаша, яко трубы, велегласно посреди || народа вопити и проклятию его ересь обличати, тако глаголюще: «О, мужие, народы московстии и всего православного христианства множество! Воистинну сущее глаголем вам, яко несть се царь, ни сын царев, иже ныне на Москве царствует, но сущий законопреступник и розстрига, проклятый еретик, иже прежде со святей соборней и апостольстей церкви пречистые богородицы честнаго и славнаго ея Успения соборне проклинали его, Гришку Отрепьева».² Он же, злосердый, люте палим быв огнем ярости по сотонину наводжению к их погублению и веле сих имати, и многим различным мукам || предаст их,² и³ по дальним странам Росийския области в темницы затворити многих⁴ повеле, и с великим утверждением заклепа, а иных без милости смерти предаст; и вонзи страх и трепет в сердца человека, яко и знающим его изящно, никому же смеюшу зрети, не точию⁵ обличати.
- л. 16 об. ⁶И вскоре треклятыя воцарился того же 113-го году июля в 29 день недельный,⁶ и нача⁷ многия пакости в царствующем граде⁸ творити,⁹ и велия пакости¹⁰ православному христианству¹⁰ содевати.¹¹ И тако отпаде от православныя веры¹² окаянный законопреступник, сатанин предотеца,
- л. 25 яко и са¹³||мому образу божию поругатися, и церкви божия, олтари хотел разорити, и монастыри и обителища иноческая раскопати, и православную христианскую веру в отпадшую веру¹⁴ с собою же равну сотворити, и кастелы вместо церквей божиих соиздати; и тако начаша жити, яко же и прочии иноязычницы и еретики, и ко идолопоклонянию православных христиан всячески понуждати восхоте, и многих черноризци юных осквернил, и отроков и отроковиц тако же многих растри;¹⁵ и великий плач и рыдание в людех сотвори, яко же николи¹⁶ такия беды находящия || на ны;¹⁷ и сотвори себе в маловременней сей жизни и потеху, а в будущий век знамение превечнаго своего домовища, его же в Росийском¹⁸ государстве, ни во иных,¹⁹ кроме подземнаго, никто его на земли не виде; ад превелик зело, имеющ у себе три главы. И содела обуюду челюстей его от меди бряцало велие; егда же разверзет челюсти своя, и извну его, яко пламя²⁰ предстоящим ту является, и велие бряцание исходит из гортани его; зубы же ему имеющу ослабление и ногты, яко го-

97-97 *Нет В.* 98-98 *В списке В под влиянием Сказания* розвести в заточение по темницам, а имения их повеле расхитити. 99 *Доб.* князь Василей Иванович Шуйской со единокровною своею братиею *В.* 100 *Доб.* благородные сии бояре *В.* 111, 1 *Доб.* же *В.* 2-2 *В списке В вместо Повести текст Сказания.* 3 *Доб.* многих *В.* 4 *Нет В.* 5 *Доб.* его *В.* 6-6 *Нет В.* 7 *Доб.* той проклятый богомерский еретик Гришка Растрига *В.* 8 *Доб.* Москве *В.* 9-10 *Нет В.* 10 *В ркп. ошибочно* пакости, *исправлено по В.* 10-10 *православным христианою В.* 11 *Нет В.* 12 *Доб.* христианския *В.* 13 *Далее в ркп. на лл. 17-24 об. Повесть о походе Ивана Грозного в Новгород в 1571 г., наша Повесть продолжается на л. 25 и т. д.* 14 *Доб.* еретическою *В.* 15 *растли В.* 16 *Доб.* же *В.* 17 *Доб.* не бысть *В.* 18 *Руском В.* 19 *Доб.* государствах *В.* 20 *пламень В.*